

第四章 拜城

(一) 庫車拜城山中之古蹟

1. 可可沙之古礦區 我等在庫車南部考察經過，已見上述。現再將庫車拜城山中之探查簡述於下。吾人在庫車休息數日後，於十一月十九日出發作山中之行。下午三時沿庫車河即城上河東北行，過蘇巴什古城，土垣敗壁，屹立岩上，可想見當時城中之繁榮。九時抵亮果爾莊住。次日，由亮果爾莊北行，進山，兩山夾持銅廠河流貫其中，過銅廠莊，河兩岸有居民數家，闢草萊爲田。據說此地山中出石油及白鹽。余欲先至可可沙，故此處未往調查。仍前行，草灘中時有羊戶牧羊，五時住卡哈瑪克垓。二十一日復北偏西行，至銅廠，爲近代地方人掘銅處。有井穴三，據說民國初年，有一維族人開採，初出銅甚旺，其人死，開採遂停。莊旁有河，自北大山南流，至可可沙東南流，繞紅山西流，至新銅廠轉南流，故名銅廠河。紅山本地名克子爾塔克，亦即紅山之義。東自克內什，西至克衣，綿延數十里，土石皆作紅色故名。水經注稱爲赤沙山，或赤沙積梨，實爲一山，皆指克子爾塔格也。克子爾河逕其西麓，銅廠河繞其東南，水經注稱：「龜茲川水有二源：西源出北大山南流，……逕赤沙山；……東川水出龜茲東北，歷赤沙積梨南流」。由現形勢言之，克子爾河即龜茲川水之西源，銅廠河即龜茲東川水也。沿溝東北行，在紅土層中，有白鹽方如枕塊，顯露於外。自溝口至大坂，皆爲產鹽區域，綿延約六、七里，過婆婆大坂，即至可可沙。有莊戶數家，在此種地。山中出硫磺、白礬。又過一小溝，循銅廠河往北，有一舊城。城在河西岸山坡，城牆全存，高約三，城周三百三十米，城門東向。門前有炭渣及鐵汁甚多。城東北隅有一爐灶遺址，口徑寬約〇·五，長約〇·三三，深一·六米，下圓，周約二·六米。灶壁爲烟薰黑，旁另有一穴口通爐中，出納柴草之用，疑舊時煉鐵之所。城中西南堆積煤渣，城北煤渣鐵汁堆積成阜，排列若一小城。其中遺存鎔鐵小陶罐甚多，鐵汁溢溜滿罐，蓋爲冶鐵之用，現本地土法尙如此。蓋此一帶山脈自可可沙，往北往西，直至哈拉柯爾，橫互數十里，山中皆出煤出鐵，故本地人名此山爲梯木康，即「出鐵處」之義也。現山上有舊時井穴三，皆斜行，寬約一·八，高一·三米，即礦床，爲前人取鐵之所。在井穴附近，瓦礫甚多，且有古代房屋基址。陶片作紅色，上有壓花紋，帶粉白釉，類似唐代陶片，與蘇巴什古城所出陶片相同。據蘇巴什水利云：「據老人傳說，可可沙之古城與蘇巴什之古城，皆爲一人所作」。蘇巴什之古城，已證明爲第八世紀所築。如水利之言可信，則此